

DISPUTATIO ACADEMICA  
**POENITENTIAM**  
**ETHNICORUM,**

Secundum Principia Philosophiæ  
proponens;

*Quam*

ADEULGENTE JEHOVÆ LUMINE,  
Et Suffragante Ampliss. FACULT. PHIL.  
in inclyra ad Auram Academia,

SUB PRÆSIDIO,

*Adm. Rever. & Celeberrimi Viri,*

**DN. JOHAN Münster/**

Philos. Pract. & Histor. Prof. Reg.  
& Past. in Lund fidelissimi.

PRO PRIVILEGIIS ac HONORIBUS PHILOS.  
obtinendis,

*Publicæ eruditorum censura, modestè  
committit*

**ANDREAS LUSCINIUS,**  
Helsingf. Nyl.

*In Auditorio Superiori & Maximo, ad diem,  
(DEO volente!) 8 Maii, A. 1707.*

---

Exc. Jo. WAL.

In D E U M  
&  
R E G E M

*Summa Fide Viro,  
Diœcesis Wiburg. EPISCOPO  
Eminentissimo,  
Consist. Eccles. ibid. PRÆSIDI  
Gravissimo.*

*Regii Gymn. & Schol. EPHORO  
Magnificentissimo.*

*Reverendissimo in CHRISTO  
PATRI ac DOMINO,*

**DN. DAVID EURN**

*S. S. Theologiæ DOCTORI  
Consummatissimo.*

*MÆCENATI & PATRONO, pio re-  
verentiæ zelo ætatem pro-  
seqvendo,*

*Vite prorogationem,  
Cœlestis Favoris auram devoe  
adprecor!*

**C**um venit O PRÆSUL? facies placidissima nobis,  
Submissis oculis conspicienda Tua;  
Nos subit istius quoque tunc adfectus  
imago,

Qua studiis deditis usque favere soles;  
Usque favere soles; queis mens & plena  
voluntas,

Est prodesse bonis, atque sacrata DEO.  
Hinc ego nec vereor parvis in lusibus hisce.

Nomina Aaronis pingere magna meis.  
Domihi te facilem! quam spes bene fota  
benignam

Promisit fortis; me, Jove dante, manet.  
Sors facilis memet; sed Te comitabitur  
aura

Quæ nebulas pellit, tristia fata fugat.  
Alme DEUS mœstis, tu qui solatia confers  
Pectoribus, refove corda secata modo!  
Ah reprimas precor O! duri tentamina  
Martis!

PRÆSULIS & releva grāde doloris onus!

*Sic vota*

Reverendiss. in CHRISTO Patris

humilimus Aliens  
Andr. Luscinius.

*Viris Dignitate, Experientia, atq; Prudentia  
Claris & Praestantissimis,*

**DN. JOHANNI Arckenholz/**  
Secretario circa Nyland. & Tavasthiæ  
Toparchiam, accuratissimo.

**DN. HENRICO Lefman/**  
in territorio Borgoënsi, Prætori  
prudentissimo.

**DN. CAROLO GUSTAVO Nielson/**  
Inspectori Vectigalium maritimorum,  
quæ in Borgo & Weckelar colliguntur,  
perindustrio.

**DN. MATTHIÆ Schröder/**  
Senatori & Mercatori in Borgo/ lau-  
datissimo.

*Nec non reliquis ibid. Fautoribus, & ante  
aliquod tempus Nutritiis, liberalissi-  
mis; disputationem hanc Inaugura-  
lem, cum omnigenæ felicitatis & pro-  
speritatis, voto, dicat & consecrat*

**V. V. I. I. N. N.**

*s. s.*

**Andr. Lufcinius.**

**C**um venit O PRÆSUL! facies placidis-  
sima nobis,  
Submissis oculis conspicienda Tua;  
Nos subit istius quoque tunc adfectus  
imago,

Qua studiis deditis usqe favere soles;  
Usce favere soles; queis mens & plena  
voluntas,

Est prodesse bonis, atqe sacrata DEO.  
**Hinc** ego nec vereor parvis in lusibus hisce,  
Nomina Aaronis pingere magna meis.  
**D**omihi te facilem! quam spes bene fota  
benignam

Promisit fortē; me, Jove dante, manet.  
Sors facilis memet; sed Te comitabitur  
aura

Quæ• nebulas pellit, tristia fata fugat.  
**A**lme DEUS mœstis, tu qui solatia confers  
Pectoribus, refove corda secata modo!  
Ah reprimas precor O! duri tentamina  
Martis!

**PRÆSULIS & releva grāde doloris onus!**

*Sic hovet*

*Reverendiſſ. in CHRISTO Patriſ*

humilimus cliens  
Andr. Luſcinius.

VIRIS, Eruditione, dignitate, & meritis;

Adm. Reb. ac Praclarissimis;

Dn. M. ARVIDO ALOPÆD, Eccles.

Borgoënsium Pastori longe dignissimo, adiacentiumque Præposito adcuratissimo.

Dn. M. ANDREÆ HEINRIGO, cœtus  
qui in Kandasalmi DEO colligitur, Pastorū  
meritissimo, & districtus adsitarum Ecclesia-  
rum Præposito attentissimo.

Dn. M. ERICO DAHLMAN, Mora-  
lium & Hist. Lectori in Reg. Gymn. Wib.  
solertissimo.

Dn. M. MAGNO ALOPÆO. Lect. Ma-  
themati. ibidem dignissimo.

Dn. M. GUSTAVO BRODZENIO,  
Scholæ Helsingforsensis Rectori inclyto.

Mæcenatibus, Patronis, atq; Fautoribus  
meis honoratissimis;

Rerum omnium, præcipue in vocationis viis  
gerendarum, successum, fideliter com-  
precan<sup>t</sup>; & disputationem hanc gradua-  
lem, præproperū sanè & tumultuarium  
opus, in debitæ observantie tesse-  
ram, dedicat & offert,

V. V. A. A. N. N.

addictissimus cliens

Auth. & Reip.



§. I.



Rduum sanè molimur negotium, dum Ethnorum pœnitentiam, sistere animis cordatorum spe-  
ctandam, contendimus.

Unde, ne in scyllam incidamus declinantes Charybdim, caute admodum vi-  
am ingrediamur. Neque e. consultum esse ducimus illis ad stipulari, qui omni-  
modam principiorum nobiscum nato-  
rum extenuationem propugnant. Ari-  
stotelico more, Συντήρησιν, ratam, vel con-  
suetudine exaratam esse tabulam, dicti-  
tantibus. Illis autem omnino refragari  
nos decet, qui paganorum conci-  
entiæ stimulum usque adeo extollunt;  
ut immediate per hanc suam pœniten-  
tiam, fingant eos potuisse in thronum  
DEI involare. Saniorum Ethnicorum  
relictis experimentis; Sacrae quoque

Scripturæ adsertis hoc aperte adversatur. Summus namque gradus virium post lapsum reliquarum, tam quoad facultatem cognoscendi, quam appetendi, subsistit & finitur in generali & indefinito proposito inquirendi verum DEUM, eumque competente modo colendi; ut autem hoc propositum in motum & executionem ducatur, horum non pertinet neque extendit se illud in homine post lapsum reliquum; quod patet ex Rom. 1. 19. 20. Act. 14. v. 17. & 17. 27. collatis cum Rom. 1. v. 21. cap. 3. v. 4. 9. 10. Quæ itaque in favorem & præminentiam reliquarum imaginis divinæ, pro illarum sufficientia extra statum naturæ restitutæ, afferuntur, ea non inducunt absolutam necessitatem admittendi perfectionem ultimam, & salutarem, virium naturalium; sed pro amore innoto & Philautia virium humanarum erga se exaggerantur, & refelluntur per interveniens peccatum Adami, quod præminentiam, quæ fuit, omnem prope pensum dedit; Ut apposite Tertulianus L. de Re-

**R**esurect. Carnis, c. 34. de animæ Humanæ post separationem à corpore permanentia, loquitur. Nobis quibus omnes præsentis temporis & instituti circumstantiæ, brevitatem imperant, in præfatione, quæ ulterius ad rem faceret, adornanda, non licet esse prolixioribus. Ipsa opella, in compendium quam mittam, quantumcunque citra dispendium fas erit, plenius L. B. mentem nostram, circa gentilium pœnitentiam disputando occupatam, explicabit. Ut autem hæc recte cogitare valeam, supplicationem gentilium sapientiorum κόρες ἐλέησον, in formali Christiano, naturæ opifici, devote sacrabo.

## §. II.

**N**eminem credo sanæ mentis compositionem, hujus lucis aura qui fruitur, inficias ire, propositionem hanc secundi adjecti: DEUS est. Siquidem principia nobiscum nata, tam Theoretica, quam practica, ex quibus deinde conclusiones rite deducuntur, fixam adeo

in natura nostra sedem habent; ut, licet  
 gravitas à lapide & humiditas ab aqua  
 in Cartesianorum cerebro videantur  
 posse separari, instinctus tamen hicce,  
 sive impetus naturalis, minime eludi po-  
 test. Ut paucis saltim dicam de triplici  
 illa via, qua Scholastici DEUM investi-  
 gare solent; via sc. *causalitatis*, per attri-  
 buta relativa: ut cum creatorem &  
 gubernatorem dicimus; *eminentia*, per attri-  
 buta absoluta ac positiva: cum DEUM  
 vocamus bonum, sapientem, potentem;  
 quæ longe excellentiori ratione Divino  
 insunt Numinis, quam nobis. Et denique  
*negationis*, per attributa negativa: ut  
 cum DEUM dicimus infinitum & im-  
 mutabilem. Atque sic neminem reperi-  
 re licebit speculatorum, in manifesta ne-  
 gatione Divinæ existentiæ, subsistentem.  
 Atheum innuo Theoreticum, negative  
 talem, qui solum lumen naturæ secutus,  
 ferio secum sentiat, non esse DEUM;  
 quia Apostolus impios etiam invitatos hoc  
 sentire, sensumque hunc evitare non  
 posse asserit. Rom. i, 20. 21. 22. c. II. 15, 16,

seq. Ip̄a etiam terminorum Athei &  
 speculativi absurdā compositio hoc ipsū  
 arguit: nam cum quis speculatur, ne-  
 cessē est eum tunc esse, adeoq; negotia-  
 tione conceptuum de sua existentia, in  
 summi & independentis entis essentiā,  
 eum non detur progressus in infinitum,  
 potest ascendere. Quod vero stultus  
 aliquando cogitat, non esse DEUM; sit  
 hoc non per ignorantiam *habitualē*, aut  
*simplicem*; Nulla namq; gens tam imman-  
 sueta aut fera fuit, quæ omni divinitatis  
 sensu careret, licet cultum ejus verum  
 nesciret; inquit Cic. sed *actualē* & *affe-  
 ctatam*. Impii enim quantum in se est,  
 notitias naturales extinguere cupiunt,  
 cogitantque non esse DEUM, quia lu-  
 benter eum non esse vellent. Hic scilicet  
 est affectus malitiæ, non defectus noti-  
 tiæ. Concedimus tamen & hoc; quod,  
 ob frequentem abulum & suppressionem  
 luminis naturæ, & ob scelerā contra na-  
 turalem æquitatem commissa, nonnulli  
 justo DEI iudicio & desertione adeo in-  
 durentur, ut naturalis quoque cognitio

aboleatur; & fiant tales quoad intellec-  
tum diabolis ipsis deteriores; quod ex  
Rom. 1. 21. 22. 23. colligere possumus.

## §. III.

**C**um vero gentiles, si non universi, at  
prope universi, egregia pro DEI ex-  
istentia locarunt testimonia; quia ipsum  
lumine perspexerint naturæ: quid mi-  
rum, si iidem, facile animadverterint,  
tum ob Divinæ naturæ Excellentiam,  
tum ob ejus benefacta, nefas fore, si non  
animum ac cogitationes universas ad  
DEI cultum referrent. Erroris autem  
eorum circa objecta, & cultus modi  
adsignationem; variæ fuere causæ; nam  
præter instinctum Sathanæ, hominibus  
inest incititia; Licet enim ad ea, quæ supe-  
rius exposui, traditione ac naturæ lumi-  
ne posset perveniri: non propterea ta-  
men existimandum, gentiles universos in  
uno & eodem notitiæ cultu conspirasse;  
contra enim evenit ut longe maxima il-  
lorum pars pleraq; ignoraret; non, qua-  
si non veritas iis ob oculos versaretur,

sed

sed quia eam sese offerentem non comprehendenderent: dumque propterea in varias scinduntur sententias, & cœci sunt cœcorum duces, gravi ruina pariter & sese, & alios involverent. Hæc sententiarum dissimilitudo magnam partem ex animorum diversitate provenit: haut aliter ac in Christiano etiam populo videmus, quos sententiarum similitudo in præcipuis colligavit, in variis tamen capitibus vehementer discrepare. Accedit quoque *inertia laboris inquirendi DEUM*; deinde etiam *prejudicia*. vid. quomodo de his egregie differit, Gerhardus Joh: Vossius de Orig. & Progressu Idololatr. lib. i. cap. iv.

#### §. IV.

**V**erum hæc quæ præmissa sunt, licet ad 7a & 8a disputationis nostræ plurimum faciant, non vacat tamen nec conceditur, eadem fusius exponere; præterea etiam disputationes, quotidie tere, de reliquiis imaginis Divinæ, habitæ, dubitantes certiores reddere possunt. Thema itaq;

itaque mihi propositum, jam immedia-  
te explicabo. Sed cum fortassis aliquis,  
qui primo intuitu titulum inspexerit,  
putet, vocem Pœnitentiæ Ecclesiasticis  
solummodo usu venire; ex profanis scri-  
ptoribus ejusdem nomenclaturam deri-  
vabo. descendit Pœnitentia ab imperio-  
nali verbo, pœnitet, sic Cic. sapientis est  
proprium, nihil, quod pœnitere possit,  
facere. Suet: hinc nomen pœnitens de-  
ducit. Pœnitentiæ vocem disserte ex-  
primit Curtius de Alexandro Magno  
lib. 3. c. 2. ubi dicit: *seram subivisse regem*  
*pœnitentiam.* Val: Maximus lib. 3. c. 4.  
refert L. Tarquinium Priscum, præclaris  
virtutibus effecisse, ne civitas Romana pœni-  
tentiam ageret, quod regem à finitimis potius  
mutuasset, quam de suis legisset. Cavebitus  
tamen omnino, ne pro synonymis su-  
mamus, resipiscentiam, quæ explicari  
solet per redditum ad meliorem & salu-  
tarem frugem; quæ pœnitentiæ acceptio  
contritionem, fidem, & novam obedientiam, in-  
cludit. Nobis pœnitere tantum sit ac  
pigere, pudere, dolore affici. Cum enim  
indi-

individua comes sceleris pœna sit, & nullus adhuc inventus est, qui impune peccaverit, instruit igitur pœnitentia, ut quisque post commissum facinus, in seipsum exasperetur, & præcedentis vitæ horrore incunctanter errata corrigeret statuat, & lapsa emendare. Per *Ethnicos* seu *gentiles* hic non intellectos volo, eos, qui inter se eodem nomine sunt; ab ingenuis oriundi: quorum majorum nemo servitutem servivit: qui que capite non sunt diminuti. Ut Cic. c. 6. Topic. gentiles definit. Neq; præadamitas, quæ supposita à nonnullis hypothesis, falsissima. Sed ut scriptores Ecclesiastici, Ethnici vocem explicarunt; quibus alias etiam, *pagani*, Ethnici dicti. Immo horum innuo pœnitentiam, qui lumen naturæ secuti, non exclusa generali traditione, portionem relictæ imaginis Divinæ, non suffocant; sed eandem excolare summo nisu incumbunt; sive hi ante, sive post exortam religionem Christianam vixerint, vel sint victuri.

## §. V.

Pœnitentia vero quæ culpam supponit,  
 & quæ reos conscientiæ stimulis ex-  
 agitat, eos admonet, ut de præteritis do-  
 leant, & grave illud onus, quo premun-  
 tur, discutiant. Quippe sicuti nihil bo-  
 na conscientia jucundius, aut tutius est;  
 adeo ut *juxta Horatium L. Ep. I. Nil con-*  
*scire sibi, nulla pallescere culpa; bic murus abe-*  
*nens esto; ita nulla fera adeo mordax, nul-*  
*la flamma ardenter, quæ ita corpus la-*  
*ceret, aut cruciet, quam inordinatus*  
*animus se laniat, dum in scelera proruit;*  
*uritur enim quisquis delinquit, & pec-*  
*cato suo miser fit, quamvis eum dolores*  
*non consequerentur. Subiectum denomi-*  
*nationis seu quod, talis pœnitentiæ, §. im-*  
*mediate præcedanea, indicabat. Sc. esse*  
*hoc, Ethnicum quemvis, sive hominem,*  
*extra motum ad regenerationem consti-*  
*tutum. Subiectum vero quo; anima, ejus-*  
*que facultates, tam rationales, quam*  
*sensitivæ, sunt. Duplex enim in homine*  
*post lapsum orta est pugna; Una natu-*  
*ralis;*

ralis, etiam ante renovationem, in non renatis, ex labo naturali, à qua omnis in homine post lapsum *ἀτεξία* promanat, ortum trahens. Instinctu namque rudimentum imaginis divinæ in intellectu remanentium, ratio verum bonum morale pro malo eligendum esse suadet; appetitus autem per peccatum misere depravatus rationi obedire recusat, & in quodvis delectabile secundum suum placitum, fertur. Altera pugna spiritualis est inter carnem & spiritum; de qua Theologi. unde sequitur; quod eadem illæ facultates, quæ ad peccatum sollicitaverè, illæ etiam, stimulante conscientia, sensu doloris tangantur. Actio quoque Ethica non solum exteriora, sed & præcipue interiora respicit: dicit e. gentilium Magister Cic. Orat. pro Sylla: *ita vivere regium esse, ut non modo homini nemini, sed nec cupiditati inserviat ulli.* Et omnino hæc vere docentur, infit Rudraust. Institut. Moral. p. 107. nam actio Ethica talis est, quæ possestorem suum facit bonum & beatum, sed beatus nemo est,

qui *externe* saltim sese ad præscriptum  
legis componit, non occidendo, non  
furando, non scortando &c. *interne* vero  
cruciatur affectuum intemperie, libidi-  
nis æstu, illicitarumque voluptatum im-  
petu. E. beatitudo, quæ tranquilitatem  
animi parit, non consistit cum illo inte-  
riori cruciatu.

## §. VI.

**M**ateria circa quam occupata est hæc  
gentilium Pœnitentia; seu objectum,  
sunt vitia, cum lumine & honestate na-  
turali pugnantia; utpote determinatio  
genericæ irreverentiæ ad hanc vel illam  
speciem blasphemiae erga sanctitatem,  
justitiam, aliasque specificas DEI actio-  
nes vel Idiomata. motus itemque animi  
malevoli executio, quâ proximus, cui  
officium præstare debuimus, Iælus est.  
â quo obiecto excludimus primos mo-  
tus concupiscentiæ, quorū illicentia sive  
~~noxa~~ gentilibus plane fuerit incognita;  
adserente id Ap. Rom. vii. 7. ubi dicit:  
ἐπειδὴν ἡ ἀρά τοι οὐκέτι ἔλεγεν οὐκ

επιθυμήσεις. Per legem intelligit, hic præcise non naturalem, sed moralem; quæ licet in naturali fundata sit, non tamen objectum pœnitentiæ naturalis esse potest; siquidem illa ut proxima ~~χρεαγωγία~~ ad supernaturale bonum consequendum spectanda est; immo etiam sub conditio-  
ne perfectæ obedientiæ, bonum illud offert. Hic jam animadvertere possumus quam falsissima sit hypothesis, Joh: Szydlovii, & Samuelis Retorfortii; cum quibus inflare tibiam videtur Hobbesius, ni dextre explicetur. Dicunt priores illi, normam bonitatis & malitiæ actuum tam divinorum quam humanorum, sim-  
pliciter æstimandam esse, à facto DEI &  
à jure DEI positivo, usque adeo, ut nihil peccati rationem habeat, nisi ex solo DEI præcepto vel interdicto positivo;  
putant enim voluntatem DEI dare for-  
mam malitiæ & bonitati actionum, ut  
aliquid culpabile vel laudabile dicatur: sa-  
ne, dum Joh: Szydl: impium commen-  
tum, in Vind. quæst. diffic. & controv.  
Francof:ed. A. 1643. c. 9. legitimus; stat coma,

mens horret; ita enim quæstionem insti-  
 tuit: an DEUS posset præcipere contrarium, uti  
 omnibus præceptis decalogi, ita potissimum pri-  
 mo, secundo & tertio? ad hæc ait: Fateor &  
 ipse, quod ad communem dicendi consuetudi-  
 nem, crudum nimis hoc videri: DEUM posse  
 blasphemiam, perjurium, mendacium impera-  
 re; item posse jubere ne colatur, ametur, bo-  
 noreetur &c. quod tamen verissimum est in se,  
 & ex quæstione nostra generali, hoc specialene-  
 cessario sequitur, nec potest negari nisi multo-  
 rum absurdorum admissione. En fronte ca-  
 rrens in DEUM blasphemia & impietas!  
 DEI beneplacitum, non etiam normam  
 juris & æquitatis nobiscum congenitam  
 esse regulam omnis bonitatis & malitiæ  
 in creaturis. Ratio autem suæ adsertio-  
 nis, quam ad fert in Cit. quæst. c. 8. scil.  
 quia nullus datur conceptus boni aut  
 mali ante DEUM aut DEI voluntatem;  
 ineptissima est: non sequitur enim; ergo  
 sola voluntas DEI, quatenus à nobis sen-  
 titur & intelligitur, est regula sive nor-  
 ma bonitatis & malitiæ. Ponamus enim  
 dœmones ab initio malos creatos esse;  
 non

non sequeretur tamen ideo malos fuisse, quod DEI beneplacitum det formam bonitati & malitia, sed malos fuisse quia ab essentiali DEI rectitudine discordant: sufficit enim quod igniculi illi sive reliquiae honesti & turpis in homine, sint pars imaginis Divinæ, cuius sanctitas & rectitudo, DEI, utique coæterna & essentialis est; unde sequitur, etiam discrimen honesti & turpis DEO coæternum & essentiale esse, neque requiri ut id, quod norma boni & mali futurum est, concipiatur, extitisse ante DEUM; sed sufficere, si concipiatur coextitisse cum DEO, sub diversitate illa, quæ hodieque inter bonum & malum, honestum & turpe, manet. pluribus vid. prosequentem hæc D. D. Danhaw. Hodom: p. 106. D. Calov. S. T. 5. p. 32. seq. Confer. Excell. Pufendorf. de Jure Nat. & Gent: p. 183. §. 4.

## §. VII.

**J**am itaque in causam efficientem hujusce pœnitentiæ inquirere, ratio ordinis nos jubet. Universalem itaque & pri-

primam causam, si dicimus esse principium illud sine principio, vix credo nos aliquem dura sententia infecturos; licet & adderemus, concursum DEI in hocce casu, non tantum habere se *objeclive*, per propositionem & suasionem; nec solum *Efficienter* per commotionem voluntatis ad eligendum vel repudandum; neque modo concursus communis quomodo concurrit ad generationem animalium: sed modo *speciali* & intento ad hominis Ethnici conversionem; quemadmodum DEUS hac ratione concurrere dicitur ad *moraliter bona*, et si agentibus fiant nullo nexu, nulloque fine ab homine intenta ad bonum supernaturale consequendum. Testem hujus rei omni exceptione majorem habemus sacram paginam. Exempl: Cyri Es. 45. v. 1. seq. obstat. Egypt. Exod. 1. 17. adde & Joh: 15. 5. sequestramus tamen hic & Theologorum disquisitioni relinquimus concursum seu causalitatem DEI *singularem*; quo concurrit ad actus spiritualiter bonos renatorum & in gratiam adoptionis rece-

receptorum. Proxime autem Dolorem  
 hunc de peccato, atque displicantiam  
 turpitudinis in homine Ethnico, efficit,  
 congenita ipsi notitia, de discretione honesti &  
 turpis; Et de justitia DEI vindicativa. Quod  
 prius utique nemo negaverit. Si enim  
 gentes μὴ νόμον ἔχοντες φύσει ταῦτα νόμος ποιῶ,  
 γένει νόμον μὴ ἔχοντες, εἰσυγένεις εἰσι νόμος. οἵνεκεν  
 ἐρδείνειν ταῦτα τὸ ἔργον ταῦτα νόμος γεγοπῆντες ταῦτα  
 καρδίαις αὐτῶν; Rom. II. V. 14. 15. sequitur  
 stimulum addere pœnitentibus, hanc  
 naturæ legem. Nec leve pondus addit;  
 quod etiam, qui nullo teste peccant, à  
 propria redarguantur conscientia: de  
 qua nemo potest ignorare, quam ampla  
 sit testimoniorum seges apud poëtas,  
 Oratores, Historicos, Philosophos, &  
 ceteros gentium scriptores. Nec diffi-  
 teor, semper esse inventos, quorum ani-  
 mus consuetudine peccandi, quasi callo-  
 eslet obductus, sic ut nullum viderentur  
 habere DEI, vel legis naturæ sensum. Sed  
 tales, dicente Excell: D. Gerhard. Vossio  
 in Theolog. Gent. p. 13. cum res fluant  
 aduersæ, eorum instar qui à profundo somno

expergiscuntur, vel ab ebrietate ad se redeun*t*,  
 cogitare de DEO, ejusque judicium extimesce-  
 re, incipiunt. Duxi legem naturæ, atque in-  
 de Συντήρησιν immediate cautare stimu-  
 lum hunc, de quo loquimur, apud Eth-  
 nicos; Per legem vero naturæ intelligo  
 nihil aliud quam prima illa principia  
 practica, nobiscum nata, quibus quam-  
 primum terminos eorundem intelligi-  
 mus, sine ulteriori inquisitioue assenti-  
 mur; per Συντήρησιν autem habitum prin-  
 cipiorum practicorum nobiscum nato-  
 rum. vid Rudrauff. Eth. p. 35. Nam quan-  
 do prima prin: sæpius à nobis agitantur,  
 exercentur, & applicantur, fit ut illis  
 expeditius assentiamur, neque amplius  
 in dubium vocemus; quæ ipsa perfectio  
 ab Aristotele, *intellectus*, sive *mens* voca-  
 tur. Alias Συντήρησις, nonnullis est: Natu-  
 ralis illa reluctatio & reclamantia homi-  
 nis conscientiæ, etiam irregeniti, adver-  
 sus vitia cum lumine & honestate natu-  
 rali pugnantia. Jam itaque, si jus natu-  
 ræ dicamus quoque normam esse ex-  
 aminandorum peccatorum, contra le-  
 gem

gem naturæ currentium, minime credo  
nos falsos esse, vel fallere. jus enim  
naturæ est velut *extrumua* aliquod sancti-  
tatis & Iustitiæ DEI Essentialis; in qui-  
bus illud etiam fundatur; unde ipsius  
legis nat. immutabilitas provenit. Li-  
cet & concedamus supremo omnium  
Domino longe eminentius jus esse in  
suas creaturas, quam homini in homi-  
nem, natura sibi æqualem. vid. S. Pu-  
fendorf. de J. N. & G. L. 2. p. 186. & 187.  
Unde judicare possumus quid dicendum  
sit, de dispensatione Divina circa jus  
naturæ; Quando enim homo per ex-  
pressum DEI mandatum exequitur jus  
DEI in homines, tanquam nudum ipsi-  
us instrumentum, tum non proprie di-  
ci potest, fieri dispensationem circa le-  
gem naturæ. vid. Grot. i. L. c. i. §. cita-  
tus à modo laudato S. Pufendorf. *Iusti-  
tia quoque DEI vindicativa*, dicebamus  
supra, Ethnicos adigi ad pœnitentiam;  
Una equidem in DEO est justitia, eaque  
ab Essentia sua minime realiter diversa;  
propter diversa autem connotata, & di-

versus aclus, est, vel *remuneratoria*, vel *vindicativa*, quoad nostrum concipiendi modum ita distincta. vid. Hebenstrit. Phil. prim. p. 1099. & hac vindicativa sua iustitia, DEUS peccata necessario & naturaliter punit; quia non tantum pleno regimine & puniendi jure pollet, animadvertisendi in peccata, adversus quæ naturale & necessarium odium habet; sed etiam sanctitas & Majestas, quæ DEO necessario & essentialiter convenit, nequaquam fert, ut mandata DEI impune violentur. Quod nobis contra Socinianos, & Arminianos, stricte observandum venit; adstruentes: *DEO ineptissimum immo & indignissimum esse*; dicere *iustitiam DEI vindicatricem sic esse DEO Essentialiem*, ut *DEUS vi ejus, obligetur & necessitetur ad puniendum peccata*. conf. Catech. Racov. p. 266. & Apolog. ad censur. profess. III. Fatemur tamen cum Excell. S. Pufendorf. de J. N. & G. l. 2. p. 186. Regulas, quas *vindicativa DEI iustitia* observat, supra nostrum esse captum; eandemque non usq; quaque vestigia fori humani premere.

30 21 30  
§. VIII.

Perfunctis sic qua fieri potuit brevitate  
commentationibus circa efficien-  
tem causam, incumbit nobis formalem  
rationem, hujuscē pœnitentiæ Ethnico-  
rum ostendere; Hanc, si juxta sanam Se-  
necæ mentem, L.3. de ira DEI (quem fide  
B. D. Hulſ. Theologorum facile princi-  
pis, cito ) posuero, in *Dolore de peccato,*  
*displacentia turpitudinis, proposito abstinenti*,  
*seu ob metum pœne, ignominiae publicæ, tur-*  
*bandæ quietis interioris animi, seu intuitu*  
*glorie apud alios parandæ, & fine devitandi*  
*morsus conscientiæ; vix credo aliquem me*  
*posse expostulare injuriæ. Volvat modo*  
*quis mente tranquilla & composita, fa-*  
*cinora Neronis, Christiano-mastiges;*  
*itemque tertiacæ Monarchiæ statoris, sc.*  
*Alex. Magni; dum turibundus Clytum*  
*interemisset; & videbit quæ ipsorum fa-*  
*cinora insecura sit pœnitentia. Taceam*  
*jam, ferias imperante & chartæ & tem-*  
*poris angustia, luctuosas malorum pa-*  
*tratorum nenias, in pœnitentiæ signum*

prolatae, quibus pleni sunt omnes Ethnicorum libri, præsertim tragicæ; plena exemplorum vetustas; Tam manifestas sauciatae conscientiae stricturas apud illos notare licet, ut minime injurii in aliquem videamur, si luctam hanc suam, quam cunctæ contritionem vocemus; relicto tamen simili Ecclesiastico vocabulo, suo valore & proprio significatu. Oppido congruum nobis jam hic est, ruminare quæstionem, de qua moralistas inter & Theologos ingentes sunt dividæ. sc. *An talis Ethnicorum pœnitentia, ut & reliqua ipsorum bona opera placeant DEO, vel vere bona sint?* Hic circumspete incedere nos oportet, ne pedes ponamus vel in eorum vestigiis qui in excessu peccant, vel eos lequamur, qui virtutes Ethnicorum sine discrimine damnant; Dicimus: Ethnicorum opera, quæ amore honestatis, & secundum rectam rationem vivendi suscipiuntur, & fiunt, *intrinsicæ* non sunt bona, etsi comparative ad alia, ejusdem farinæ hominū perversa opera, sint minus mala & non turpia: quod

quod dicit August: L. 4. cont. Jul. c. 3.  
 & 4. Nam, si quicquid non ex fide est,  
 pro peccato reparetur, Rom: 14. v. ult.  
 & sine fide impossibile sit placere DEO.  
 Ebr. xi. v. 6. sequitur, quod opera illa  
 quæ ante fiduciam in Christum, & ac-  
 ceptam remissionem peccatorum, in  
 irregenitis sunt, non censeri nomine  
 bonorum operum, requisitorum ad sa-  
 lutare bonum consequendum; referun-  
 tur tamen inter opera legis externa, &  
 ratione *essentiæ*, sive *per se accepta*, bona  
 sunt; quia conformes aliquadantenus le-  
 gi naturali; & certa ratione DEUM ha-  
 bent authorem. Quidam distingvunt  
 inter bonitatem *legalem* & *Evangelicam*.  
 Illam dicunt, quæ quoad substantiam facti  
 & motus interni, conformis est legi Di-  
 vinæ, abstrahendo principium motus, an  
 sit supernaturale, vel naturale, abstrahen-  
 do etiam finem motus, an dirigatur im-  
 mediate ad DEI gloriam, an vero me-  
 diate in fines alios: *Evangelicam* vocant  
 bonitatem, quæ ex fide in Christum pro-  
 manat, & ab inhabitante gratia Spiritus

San-

Sancti, tanquam causa efficiente principali producitur, ac denique directe, in gloriam & honorem DEI fit. Quicquid sit; minime tutum videtur dicere horum, Ethn. puta, pœnitentiam, & bona opera, Deo placere & angelice, forte nec legaliter, strictè loquendo; quia causæ efficientes & finales in actibus hinc moralibus, ex instituto DEI talibus, non ingrediuntur essentiam bonitatis. Parastatas hujus assertio[n]is habemus multos & magnos Theologos; Præsertim aquilam Theologorum D. B. Hulsi. in V. S.S, p. 89. 580. & 584. Absurdum autem quod Julianus, dum pro bonitate operum Ethnicorum pugnat, objectabat; sc. Opera gentilium, si ideo non essent bona, quia fide carent, etiam sequi corpora gentilium non esse corpora, quia fide carent: item, si castitas gentilium ideo non est castitas, quia non ex fide fit; etiam frumenta gentilium non esse frumenta; quia non ex fide nascuntur; Absurdum inquam hoc, Augustinus lib. 4. contra ipsum c. 3. & 4. ita diluit: Norma discernen-

nendi opus ab opere, valde discrepat à norma discernendi corpus à corpore, frumentum à frumento: norma e. qua discernenda est castitas Portuni, Numæ & Aristidis, à castitate Josephi aut Timothei, non est sensus naturalis, qui discernit corpus à corpore, sed lex DEI, quæ dat definitionem & differentiam veræ castitatis, à castitate analogæ. Totus jam discursus de instituta hac quæstione, huc redit: sive pœnitentiam, sive alia Ethnicorum bona opera, non generare bonitatem univoce dictam, procedentem ex dilectione DEI, & proximi, & quidem ex toto corde, & ex tota anima, quod etiam naturæ lex postulare videtur; Neque generatur ex fide, suppletæ per aliud. hujus perfectionis; igitur, seu diximus supra, ubi de bonitate & malitia actionum Heroicarum in Ethnicis dilputamus, utpote Scipionis, Catonis, Regulorum, aliorumque laudabilia facta; dicendum illa bona esse comparative, ad Marii, Syllæ, Caligulæ, Neronis, aliorumque pejora facinora.

## §. IX.

Brevissime jam in §. hac ultima dicens  
 dum est; finem hujusce pœnit. Etenim  
 esse, ut inquirant, in veriorem & perfe-  
 ctiorum cultum DEI, atq; si proterve hi  
 conscientiæ stimuli non concilcentur, aut  
 negligantur, credendum est, à DEO de-  
 duci in actu inquisitionis; primo notitiæ  
 confusæ universalis famæ seu traditionis  
 de Christo; deinde in specialē quoq; noti-  
 tiā. Et est sic pœnitentia hæc quædam  
 quasi manuductio ad salutare bonum  
 inquirendū. Hinc etiam agnoscere potest  
 homo imperfectionem suæ conditionis;  
 Accedit quoq; convictio conscientiæ, de  
 justitia DEI vindicativa, ut patet Rom. i.  
 20.32. Profluit ultra hinc accidentarius fi-  
 nis, ex abusu & suffocatione stimulorum  
 conscientiæ; ἀναπλόγησις videlicet. Ubi  
 notandum, circa veteris instrumenti tem-  
 pora, nonnullos ignorantia notificatio-  
 nis mysteriorum de Christo, (quæ noti-  
 tia est scopus ad quem deduci debeat  
 lumen naturæ) se se excusare potuisse;  
 hodie autem nulli; quod Excell: D.D. B.

Hul.

Hulsem. in V. S. S. & Praelect. Form: con. Art.  
 7. Sect. III. p. m. 416. Ex dictis Act. xvii, 30. &  
 Luc. xxii. v. 47. ostendit. Sed dissertationem  
 nostram circa hanc Thesin sufflaminat Theolo-  
 gerum perspicacia, in quorum messem non no-  
 bis licitum erit falcem nostram immittere. Cum-  
 que in eo sim rerum articulo jam constitutus,  
 ut, nec otium nec facultas mihi concedatur,  
 longiores & magis subactas ducere lineas. Sistam  
 itaque calamum. Dummodo pro salute REGIS  
 Nostrri CLEMENTISSIMI, & dudum afflita  
 patria nostra dulcissima, pœnitenti corde, ro-  
 gaverim: Velit Princeps pacis, mentes infe-  
 stantium nos, hactenus impotenti temeritatis  
 incursu transversas, sic flectere, ut tandem il-  
 las, temeritatis suæ, immo & credulitatis, seria  
 subeat pœnitentia. Sic eveniret ut conscientiae  
 illorum, reprehensionis morsu, cùm alias subse-  
 quuturo, fierent vacuae, & laudis quæstu opulen-  
 tissimæ. Quos effectus quemadmodū in Rege No-  
 stro Augustissimo simulac piissimo recognosci-  
 mus; proporro flagitamus contriti, ut diutinum  
 hoc bellum, pace cito comutetur, quo REGEM  
 Nostrum CLEMENTISS: tranquillo rerum ha-  
 bitu in folio suo triumphantem, hilari aspectu,  
 videamus. Tunc e. Exultabimus in salute DEI no-  
 stri; cum impleverit JEHOVAH omnes petitio-  
 nes nostras. Hic finis esto. Sine fine vero,  
 ALTISSIMO JEHOVAE LAUDES HYMNOSEQUÆ  
 NUNCUPABO!

Ad

Eximium solidę eruditionis laude conspicuum,  
Philosophiae Candidatum, Patriotam  
Et Amicum sincere dilectum.

DN. ANDREAM LUSCINIUM,  
pro Gradu Magisterii, ingeniose  
disputantem.

Non dulcem secuit Tereus linguam violenta  
Cuspide Luscinie, voce carere jubens  
Illam? ast hanc celsi voluit Moderator Olympi  
Psallere Et argutis vertere verba sonis.  
Sic fuerant forsant tibi pressaque guttura quondam  
Candide LUSCINI, temporibus teneris?  
Præterierunt hac. jam latuus verberat aures,  
Clamor, nam late nunc mihi sat resonant;  
Pieridum Montes ac alta Cacumina Pindi,  
Omnia que lingua Et saviter arte potes.  
Sed quod adest cum jam meditor quid plurima  
dicam?

Doctrinam Et monstrant Lucida scripta tua.  
Aonidum Catus nunc premia justa laborum  
Ponant! Et lauro verticis ima tegant!!

Hac, vena quidem tenui, animo vero  
prolixiori gratulabundus scripsit.

SAMUEL FORSENIUS J. F.

Nyland;